

懿德張氏續脩嘉會譜序

志者大宗小宗之法立五世親盡
 為宗子服在國三世去函杖告於
 宗後故本世昭穆秩如也後
 世宗法既廢袒免以降不復為服
 一祖所自出直如祔人敬宗收族
 之義不蕩然無復存乎此譜牒之
 作所以示可已也茲隨唐虞以來有

專門之學近世姓氏滋多僑譜雜出
仕宦之家每好扳援貴勢簡賤族
屬譜牒所載又多不可復問余家
張氏得姓最古
左國具見名蹟三國唐宗而益熾
盛衰者嘗有
九州五指諸掌譬如象山黃脉山崑
崙百川朝宗滄海比諸倪氏一出鄭

式一出黎來王氏一出太原一出鄒鄒
者迥不同矣魏晉時以四姓稱東吳
其後由祖遷徽由徽遷旌衣冠文
物甲於其地余自癸未祝學江南歲
科兩試徽旌之列優等入宮墻者張
姓為多及後遷主文武會試而旌之喬
宗諱謹學一諱希聖又皆以進士出
余門何其盛也暇自嘗訊二子本支

知旌之派概出留侯而分派自廩近
則於余族世次正未遠也

唐杜先系統於

伊祁而杜甫贈虞使君詩曰族弟
况一姓而近焉者乎二子之蔚起不
可謂非同姓之光華也戊戌旌續脩
譜成遠學一待選京邸旌父老貽書
命乞序於余且言舊有宗譜

因九州道里遼遠難以期會遂久不獲
循嘉靖辛卯徽之祁門偁首令歙郡
之出自苗侯者悉續而成編而自苗
侯以下則以千字為行至令昭穆無系
統子孫在旌者又日以繁衍而自辛卯
至今一百八十餘年矣續脩之舉曠
焉無人將衣冠之家或能自記其世
次而貧賤愚民有問其高曾而茫乎

不知者又况滄桑代更遷徙靡常者
乎合數郡而譜之較二十四望雖近
而犹難而自遷旌以後則費者而事
忘易此旌父老所以挽絃而沒事也今
取其所輯者而歎之不忘其始遷之祖
而上邈之受姓之始聯合一百八十年
之族姓使咸知親之誼仁也不援貴
勢不忽微弱義也自嘉會以上仍前譜

以名多... 而不敢刪易竄削

其用心尤遠且大矣余族亦廩延後也

有志... 奈繫身仕版苦無

餘暇聊取是譜之式令子姪邈韓城

之所自出一以千字文序次之則余族


于祖于徽于旌其昭穆不猶矍然可

考者乎他日幸及林下即用此為序

事... 之地可也

省

大清康熙五十七年孟冬月上浣之吉
經筵講官刑部尚書加一級韓城廷樞序



許衡續修族譜序

法在旌為著姓不獨以族之繁衍而衣冠
之盛詩書禮樂之華他姓無可與比者余
母族張而婦又娶於法自初習見張氏文
雅風流冠婚喪祭彬彬可觀心竊羨焉年
十六從外舅學縱談及故家遺俗余曰旌

巨族雖不一而儒雅足法者應推翁家外
此鮮觀焉翁曰家尚有一派在許衡秉禮
度義亦如是而山川淳厚風俗淳樸曰地
膏腴薪米蔬果不出村而具燕賓衎祖及
歲時伏臘網魚擊豕家給戶足而讀書為
文尤能率循古法故其科第與在城相埒

而文學尤拔。出為令。衡鑒家所激賞。余聞
之心益羨焉。雖典城心隔四十里。而無由
一至。為恨長。隸諸生。乃得時領上珍。諸先
生教。又得與天益吉也。諸君子遊。接其言
論。親其丰采。益信許。衡之俗。典城正同。而
文雅風流。為可慕也。戊戌張姓續修譜牒

成許衡諸君子屬序於余。按譜張姓自
宋建步居旌為大卿公四世足公遷許衡
則大卿公曾孫也。大卿公高才遠識為李
光畫策守宣却亂寇歸過旌因卜居而
足公復擇地許衡宋元之末四海雲擾旌
以地僻無患許衡尤為樂土然足公至其

孫喜慶二公同應禮部貢舉一任寧國教
授一任杭州教授文學之興由是蟬連不
替夫人遭世變擇里而居固貴亦靜僻遠
然一再遷遂以樸陋不振而諸氏之於旌

兩派科第競盛

蘇詩曰

如格者於早知

不特積德亦

由擇也善三以之爰始爰謀智識過人遠
矣且許衡與嘉會冠婚喪祭儀文彬之猶
存古法傳所謂諸侯宋魯於是乎觀禮者
又豈非常日遺謨之獨善乎且余按譜由
今上遡留侯不過十世餘使為文學在窮
徑通世用則所以顯功名樹不朽者尤有

所在公侯之子孫必復其始又不止科第
之烜赫已如吾知是譜之修尤不徒然也
已

皆

康熙五十七年戊戌中冬小寒後三日

眷教弟汪育頓首拜撰



進坊派序

志和公八世孫彥遂公遷居旌之進坊市南旌之西山與梓山對峙而徽水界其中西為進坊東為招坊意當日所居去嘉會樓不遠也然先大卿公之遷蓋七世矣彥遂公七世孫遷蓮塘九世孫希浚號爽山四川縣尹爽山子魁公為本縣尉遷五里石橋畔因圯於水復遷四都大楊樹口居三十餘年又遷十三都盤堽魁公子可正公遷瓦堽山喜孫公遷霞塘關壽遷一都後林宅應遷四都新橋前明梅諱鶯先生序之甚詳其造祠修譜正當盤堽盛時文學之士彬彬梅序所稱故家典型非虛美也今進坊一派多敦朴務實從事儒術者少而尚古尚音世居後林為閔壽裔孫思以文學自振雖尚未售亦已見其兆矣氣運之往復若時令然從盛而替由微而著若彥遂公之後其興也不可以理數

預卜哉辛卯有修譜之議詢其後裔茫無應者而尚吉乃慨然捐貲二十以起
事贊勳拮据則又守榮之力居多如三子者其可以流俗人相目耶因附書之
以告後來

續修族譜序

西銘乾父坤母民胞物與之言旨固大矣然周人祀昊天則配以后稷祀感生之帝則配以文王與唐虞異典是錫姓命氏之後物各一本其可貿焉弗辨哉黃帝之子二十五人得姓者十二至周人以胡公不淫賜妣爲媯使爲一姓之祖而此外則更無聞說者謂周尚文故欲使子孫一姓相親而其實民漸澆訛非姓氏族爲之相聯不至背本忘親幾何人哉然言姓氏于今日又紛紜而難稽矣士會之子處秦爲劉伍員之子在齊爲王孫知果自別爲輔百姓萬姓不皆出於君賜欲一之邈所自來使千百年繼之承之本源不忘不亦難耶而我張氏以主弓矢得姓由是以來更無二派前譜纂輯詳明與詩書史冊一之脗合而枝分條布雖數千年之遠四海而遙無不按牒而可考視他姓托

名
聖賢纂易郡望者迥然不同其識可謂偉而用力亦勤矣然自嘉靖初
門
續修而後幾二百年別派皆有修輯而在旌進坊嘉會則寂無嗣音將
族益繁人益渙不將淵源可邈于上而昭穆日紊于下哉此族之長者急以已
任而予亦不敢不起而承其責也倡始辛卯訖于戊戌拮据八年始得竣事考
世系則派別分明閱傳序則幽微畢闡而且婚媾不遺宅墓遷徙有考孰出嘉
會為大卿公後孰出進坊為彥遂公後一展卷而皆可知至統譜諸派仍且詳
源流縣邑亦可問其祖詢其行而知其昭穆焉是由今日而上之受姓之一人
更邈之厥初生民之始而西銘之微旨直可油然而有會此非我族首事者用
心之周與任事者贊勸之力又曷克致此哉故于族譜之成不禁喜抃無已廣
推其義而為之序

歲次戊戌冬月朔日裔孫尚瑄謹識


嘉會派續修宗譜序

希瑗

吾族宗譜修於前明嘉靖辛卯年歷今百八十餘載矣其間族
姓遷徙難以更僕數先大人憂之時語不肖曰家之有譜
尊祖收族事綦重也况自明迄今歷年已久苟斷而不
續將先德寢湮宗盟日渙誰之責歟適禹功公有同心爰集族
父老相與斟酌于康熙辛卯年布告諸派其發凡起例皆出先
大人手裁族父老復不以余為不肖以纂修諸事俾與以吉共
為拮据贊襄余自揣以樗昧猥當重任不勝之咎時恐不免惟
期遵守凡例旦夕成編以請正族父老徼倖許可庶幾光世德
而慰大人之心奈適值屢年荒歉以致各派剌賞催徵不絕遷

延數歲而先大人已謝世矣未幾禹功公又已告殂苦塊之餘
自傷黽勉修輯即有成亦將無所裁正特先大人易簣時諄
諄遺命于祖宗英祭外惟以茲役為勗不肖鏤刻寸心夢寐不
忘幸族兄公掄暨姪喬宗踴躍從事謂是舉雖無創始猶將為
之矧有成緒可尋豈忍一簣虧于為山九仞同于棄井乎于是
復理舊帙散軼者補之蠹壞者易之網羅蒐輯不數月而竣事
族父老與先大人之志可無負矣然水到渠成時至事就各有
其候茲以數年未竟之緒忽一旦而成之雖曰人為未必非禔
宗之靈默有以相之也至于纂輯中上自始祖下逮雲仍有善
必書人為經世為緯瞭若指掌譜牒之善可為法于來茲者惟

諸君子訂正之力居多余不佞慚無功焉是為序



萬壽千禧
一三五
不登備無
具是衣

Vertical text columns on the right side of the page, including characters such as 萬, 壽, 千, 禧, 一, 三, 五, 不, 登, 備, 無, 具, 是, 衣.

許衡續修譜序

主宣


世日遠而莫紀人遞出以滋繁其間支分派別似難窮極然有可考而知者世系昭垂炳如日星則譜牒之攸賴綦重矣余家張氏宗譜燦澈無疑迄大卿公從祁遷旌摠九洲而宗譜燦澈無疑迄大卿公從祁遷旌摠名嘉會後四百公復遷許衡此余許衡派之所由出也前自嘉靖壬辰合譜至今百有八十餘年孫子日

衍遷徙孔多得母以一派流傳者反為胡越乎是續
譜之宜急修也况余張氏世為望族忠孝節義代不
乏人如子房公之輔漢孟談公之相趙志和公之臣
唐巡公死節藝公同居橫渠南軒為宋大儒崇祀聖
廟而且有張仲以孝友著於詩章凡經史所載莫可
勝述即余許衝喜慶兄弟二公以科第開經學之傳
廷傑公以進士著又有奇孝格幽之孝子生員鵬舉

公奏錫坊表此皆先世明德與後世達人者也嗣後
子孫勿替家聲而興水源木本之思未有不憑譜而
求則今日之修豈細故哉且家之有譜

萃渙合離幽明之道通焉本支之誼聯焉昭穆之
序定焉余小子得與修輯敢不翼翼小心襄茲大事
今當告成之日而余更重有望也子孫之億萬自祖
宗視之祇一家人耳矧許衝與嘉會世數尤近上而

邈之皆大卿公一體所分者也今而後凡在茲譜者
當念祖宗以篤族屬無以強陵弱無以衆暴寡無貴
賤異勢而互生嫌隙無貧富殊形而兩相疏闊尚其
家崇禮讓人懷孝悌立朝者思竭忠以報國居家者
務正己以成人俾斯世謂吾張氏風俗茂美人心淳
古不愧先世家法其名公碩德接踵繩武足與昔賢
後先輝映斯誠譜牒之有光也審如是吾雖遠不以

遠而紊人雖繁不以繁而疏近邈許衝共思四百公
之締造遠追嘉會咸念大卿公之積累不獨此也即
推之初門以迄天下  亦猶是矣報本情切而親
親誼隆此則續修之至意而余心所厚望也夫 肯
清康熙庚子春序

前取風真下

歸路新此浪驚新二一宮而命以所取學出夫

琳之林門以立天不而能吳吳聯本部以而路

一輪豈豈直毒會風命大喇公之赫累不辭此出

而而茶人雖繁不心繁而冠血隨借樹英致四百

許衝續脩宗譜序

裔孫定煊

大矣哉譜之昉也起於宗宗起於世起於家天下也家天下者知
治道莫過親親之義隆則敬長慈幼而雍睦之風動故戚胄並
勲勞而有世國世家世寀世祿之頒世法盡而誼不相屬又立大宗
小宗而有宗子宗伯宗相宗贊之列至人繁地異宗法莫及則簡牒
而書世書行普正名分故曰譜名分正則誼親而脩明罔斁朱子云
三十年不脩譜即為不孝以義大親故按吾舊譜脩自明嘉靖辛
卯越今三匝年已六三十矣今舉宗鳩旌陽張氏續修宗譜誠義且
鉅奈吾許衝去祖派嘉會過遠職供維艱相計合其式而各梓雖云
取便義實親余故欣航撿緝弟子容統綜掄舊譜良公前用蘓修

系甲之式後用歐修遞提之式也雖駁而格整故仍之至緝祖稿族
禮翁公元通公伯十二公諸裔非迷傳即昧祖外多諱忘分紊者年
遠無稽可若何幸子容得故侄孫庠生纘緒藏伊考貢生廷珍公族
祖繼和公續憲貴公族譜與余精搜始晰非余大幸哉亦祖靈默相
全族親也之義也茲告竣舉族歡歌厥成余亦心喜不揣不文爰序
所由及諸人力以示譜宜常脩云

許衝續脩譜序

徵庸

夫以萬彙之群生物處森然紛出于兩間必條
分縷析而後秩然而不亂燦然而可觀而宗族
之於世系亦猶是也上以溯本源之所自出下以
序昭穆之所由分理其緒比其類使子孫世世
相守迨遠奉祀無或失墜故世之稱望族在無

不以譜為兢之然抑有說為其族大則譜之也正自
不易其世遠則續之也亦復為難吾益觀于吾

族而知之矣吾族張氏自大卿公由初遷旌總

名為嘉會派居無何而足公由嘉會以遷許衡

則又有許衡派此吾派之所自來也然溯宗譜

續自有明嘉靖壬辰洎今百有八十餘年矣

百年之間豈無有以子姓蕃衍而以續脩為孔
急者乎而卒浸以延亘以乞昭代何與曩者
甲子宗族艾老嘗以續修見告矣其後不果及辛
卯始創其事越庚子而後落成身其事者誠重之也
誅慎之也由斯而談鮮不謂續修之舉若斯之難
也今日者授梓竣功其于世系至詳且明矣其遷

徒有書其卒葬有書其嫁娶姻婭有書而且發潛
真之幽光表行誼之卓異星羅碁布炳々烺々瞭
然具在况乎本源明而祖宗之念不忘人皆有以知
孝昭穆序而瓜瓞之派不紊人皆有以知敬孝
敬立而親無失其為親長無失其為長孟子曰
人之親其親長其長而天下平豈隅于一鄉一家

而有不群然就理者乎此譜之不易而不容以不易
而勿譜也此續之為難而不可以難而勿續也噫後
之人嗣而輯之或三十稔或五十稔不至世遠而人漂
庶斯譜之常新而難易之互更也矣 皆

清康熙庚子春三月序

詩經續修序

詩經續修序

詩經續修序

詩經續修序

詩經續修序

嘉會派續修譜序

裔孫謙

張氏宗譜倡自祁門自明嘉靖辛亥至今一百八十年矣
各派又皆有續修而吾旌獨闕然先大人怒焉憂之矣一旦屬
族人而告之曰汝亦知族譜所由起乎人之有祖猶水之有源
河分為九江析為三而始摠及于崑崙岷山一姓綿及千年分
之百族其始止出于一身苟為血氣心知之倫一旦詢其自出
而不能知則忘本不仁意欲交滿天下視其同姓道路不若則
無親不義一堂聚處亂昭穆失行次又何禮之克循是皆譜牒
不明之所致也吾族之處旌者較嘉靖時其繁衍不啻什伯而
且析居異鄉遷徙異邑指不可勝屈今不為輯其世次志其里

居再更數年不獨如穆泯然且忘其始祖之誰某同一脉而秦越人之不如吾祖可知不亦怒焉傷之乎吾族父老子弟苟有收族敬宗之意應不容無意於斯也衆皆曰唯又先大人又言曰譜以叙本支非其族而以貴勢相扳附不可也同自出而寒弱忽遺尤不可傳以紀善行無善行而以浮詞相諛不可也有善行而掩抑無述尤不可至于時未蓋棺則晚節難保事本傳述則疑信相叅皆不可筆之于簡者若先人體魄所藏宜圖載精詳以防侵冒族屬異鄉遷徙宜記叙本末以示後人于是屬尹功公撰列條約公擇才智之人醵金任事三年鋟梓過半而先大人老病日劇乃呼小子謙而命之曰族譜未成此心歉然

汝不可不繼此志小子流涕以對曰敢不勉以卒事先大人沒
寢苦枕函三年未暇遽及工人以前版朽蠹告丁酉乃鳩集同
事重加纂輯其有世次訛闕支派不明不憚身親踵門為之考
正不敢以居遠而遺失一人不敢以無據而妄附一族由是叙
遷移圖墳墓記善行闡隱德皆我先大人志也敢藉手諸同事
以告成功而特痛先大人之不及見也是以漬淚和墨而謹為
之序

許衝續脩譜序

裔孫士亮

古者別生分類有姓氏之書而周官奠世系叙昭穆小史掌之是族譜之闕世教甚重也乃唐以後其學失傳故家大族雖有譜可考而子姓殷繁遷徙不常亦往往以輯續無人而本源難溯身履仕宦問以郡望而茫乎莫對者比下是也我家族譜由來尚矣大卿公自祁門遷旌居進坊嘉會樓至足公又復遷許衝數百年於茲矣其山川之奧衍風俗之醇朴人文遞興不替前人述之已詳無庸贅也但續修自嘉靖年間祁宗人繼前人而作至今又百八十餘年無嗣音者然各邑俱有支譜之輯而吾旌復無此族父老所常引以為已憂者也夫編戶之民不識所由來論者或不之恠若郟子論

官而能稱其先藉談數典而遂忘其祖固閔通人之褒詭况根本昧於上昭穆紊於下祖德不知而族誼不講其為傷禮悖教尤有甚焉然通計其弊大約有二其一在姓氏貿亂漢以劉祖帝堯而裕亦復祖帝堯唐以理為李而祖舉陶朱邪亦復祖舉陶一在修輯不時世代既遠言世序則缺而莫續紀遺行則荒而難稽吾族譜於前一弊可免矣而後之一弊恐及今不為將湮沒殘缺後且有欲修而無從者何也吾族自嘉靖至今子姓蕃衍族屬既分則疎戚各異故有同一脈而行次參差居一地而稱呼乖舛在城在鄉尤漠然若不相屬更歷數十季其不至秦越視者幾何哉又由嘉會而別遷由許衝而他適者未易更僕數不為之紀其本末後之人一旦欲起而合之吾

恐如正倫於諸杜崇籍於子儀將何祈恃以取信耶歲辛卯族父老
殷然以首事自任因集諸族人於城牲牢告廟而後進而命之曰今
日修輯之舉敬宗收族之所關也烏可緩乎然必得其人以任事衆
皆曰唯於是於祖考前共相推舉任纂修者若而人充較正者若而
人督功催辦者若而人由是拮据數年行將就緒而首事者代謝不
一譜牒之已刻未刻行且束之高閣焉予小子怒焉憂之自揣雖無
似而或畏憚自謝袖手旁觀不特無以上對祖考亦且大負族父老
殷勤首事之盛心矣於是勉起而掌其責至庚子歲幸而告成其間
序次派別脉絡分明族屬里居如指諸掌而且親疎辨焉少長序焉
懿德隱行悉傳焉所以敦族誼而顯祖功宗德上溯千年而下貽無

窮者皆於是乎在然此皆族父老苦心經營有先定之規模而予小子不過謹遵以襄成功已耳其敢竊為己力哉故特書其本末以告後之人云

告

康熙五十九年歲次庚子大呂月謹識

嘉會派續譜序

希聖

余族續譜之修始于辛卯春日不佞當從父兄後竭蹶以從事
初冬公車北上春試見剛留滯筆耕乙未幸成進士又以新例
讀書在京遂不獲一展手足之力引首南望不勝憮然有深愆
已然恃諸父兄之具能量余也戊戌秋杪譜成諸父兄寄信命
作序余謂譜之關係宗法與張氏續修之緣起條例韓城師及
諸序言之已悉余何庸贅但余則竊有微意焉竊惟張氏一姓
盛于古今徧于天下歷代以來非徒以氏族稱尤以名德著如
我留侯五世相韓而破產雪耻忠孝節義冠于千古由是道德
著于儒林相業光于朝宁七書三篋世震其學問青錢萬選人

重其文章同居九世而孝義不衰貂蟬七葉而世澤勿替赫赫
史冊間者固不乏人即自徽遷旌簪纓圭組或少遜于前而砥
節立名好學能文祈不墮家聲而為邑人所稱重者亦後先相
接也今列于家乘如孝于親而受旌于朝廷者如道榮先生廉
于吏而尸祝于名宦者如斯昌斯曷先生父死于忠子死于孝
如完我先生一賓孝子其他以禮義矚目一鄉以文學指南一
邑富而行德而博濟人窮智而有為而振救民患皆卓卓可傳
述而吾族諸君子表微闡幽不欲使一善之或遺豈徒侈盛美
以炫耀將來蓋亦有激揚之意存焉書曰七世之廟可以觀德
詩曰毋念爾祖聿修厥德後之閱斯譜者可以油然而興矣抑

余尤有為吾族勉者現存之子孫鱗列斯譜不下數千人是數千人其始止大卿公一人之身夫一人之身有憂樂不相共者乎疾痛不相知者乎為善人譽之不知榮為不善人毀之不知辱者乎無有也無有則今而後族有憂則宜相恤有樂則宜相慶有痛疾則宜相振救而且善則相成不善則相勸至誠惻怛不當一人之身自此而後即再更千萬年繁衍至億萬數其無加于一人之身亦猶是也則斯譜之續其不徒矣否則雖有同姓之稱而究無一體之誼即謂之路人可也豈吾族數年經營亟且纂修之本意哉故特表而出之以書于簡端

希聖序二

夫學之於人，猶水之於魚也。水涸則魚亡，學廢則人散。故君子必先慎乎學。學之於人，猶木之於土也。土厚則木茂，學深則德厚。故君子必先慎乎德。德薄而學富，知淺而文多，是木之無根，水之無源也。君子之學也，必先其大者而後其小者，必先其難者而後其易者。故君子之學也，必先其德而後其文，必先其道而後其藝。德者本也，道者事也，藝者器也。本立而道生，道生而器成。故君子之學也，必先其德而後其文，必先其道而後其藝。德者本也，道者事也，藝者器也。本立而道生，道生而器成。

許衝續修譜序

裔孫青龍

嘗觀家之有譜也

之正故曰

乘昭百世義在親親

親親者欲後人之嗣親而無以非親紊之故

家不可一世不修譜

譜不修則祖脈宗派無所稽而本忘

如蔡京之孫子冒祖而詭祧不誠一大不孝也

哉是譜之修

間所修之

譜也迄於今已週三甲子矣年何遠而世何繁也幸

青龍於誦讀之暇間閱族譜乃前朝嘉靖

宗長輩肇興義舉統集在旌之同祖而星散分派者修譜以合族焉
噫此誠盛典而誰不勇從乎母奈吾許衝派遠隔嘉會祖派恐跋涉
編輯之維艱因分鑄本族之家廟而任事落橐其中不無殘缺失次
之誤幸首事之叔祖天益等周旋其間殘缺者補之失次者序之而
始支支縷析派衍分明也青龍忝沐庠教夙志敦倫
用

是不揆蕪陋敢珥筆而作此序

張氏宗譜原序

先王建萬國親諸侯封建既定宗法兼舉當時天下曉然尚敦睦趨禮讓流風
餘韻中葉不變嬴秦之季賊於小智大壞封建廢宗法天下無世家多矣其幸
存而世譜可據如新安張氏者不異其異而同不家其家而族總千百年之派
衍一書也率千萬人之昭穆一家也於戲居今之世孰有過於張氏哉前此固
有續譜而修纂者唐洛陽說昌樂錫曲江九齡祁邑衢文卿宋星源珏祁邑儀
一宗泓宗正元祁邑景隆仁壽振甫德興樗歛邑士原 國朝祁邑克紹星源
果歛邑璉浮邑瀛俱於是襄事也茲繼其志而述其事有會通者有戮力者有
直道不誣者疑則闕畧則詳別疎戚遡脉絡也始丁亥迄庚寅而
譜成

將梓而傳之祁邑張懋仁同宗弟元貞徵予序諸首予知

張氏之多賢子孫誦詩讀書尊祖敬宗稱世家者是也故不辭按譜而序曰張氏之先

彤魚氏生子曰揮觀弧制矢賜姓張氏官弓正國封青陽

揮子昧為冥師司水正封尹城五傳至欽若與諸侯會禹王於塗山受典則

世居魯國之防山周宣王時卿士仲公以孝友稱于詩十三傳至晉大夫侯會

諸侯戰于鞏以必死致勝位列忠貞侯生老生君臣仕晉五傳至韓國師孟

談從弟譽生魏相儀之曾孫趙王耳生魯王敖世居大梁孟談生抑朔抑朔

生開地開地生二子曰平曰鷹之五世孫安世居杜陵弈世侍中平生良字

子房居陳留後歸漢佐高祖定天下封留侯良二子長不疑次辟疆為侍中不

疑嗣侯生二子曰典曰高高八傳至漢天師道陵為弦教之宗典生默生金

金生千秋元康四年詔復元勳後裔封陽陵公乘千秋生東郡太守嵩生五

子壯讚彭睦述寔南北諸派分遷之祖也壯自陳留遷武陽孫皓爲漢司空生
二子曰宇曰綱宇爲范陽太守遂居范陽五傳至華爲晉司空有二子長曰禕
爲散騎侍郎四傳至安之遷襄陽唐漢陽王東之之遠祖也次曰躡爲散騎常
侍元帝渡江扈蹕居江左五傳至弘簡遷洛陽唐燕國公說之遠祖也綱爲廣
陵太守四世孫冀州刺史翼居下邳唐韓國公仁愿之遠祖也始興群伯九齡
派居韶之曲江河東群侯袁貞派居河東之蒲州南軒先生定伯棧派居漢之
綿竹皆出晉司空華之後曰讚爲河北之祖曰彭爲南陽之祖蜀郡太守睦公
之子况爲涿郡太守居襄國况生歆歆生禹爲下邳相封安鄉侯渡江行部愛
江南山水之勝僑居吳郡孫曰存隱吳之橫山遂家焉後裔繁衍號稱南派歆
之弟協爲漢衛尉協生泰山太守岱徙清河號稱北派岱十一傳至虔雄仕隋

爲陽城令徙居魏州之昌樂唐益國公文瓘之遠祖也其南派散居吳越者功
勲令望甲冠當時如吳鴻臚儼公南宋侍御史故公齊太守顯公奕葉相承簪
纓不絕具載文獻班班可攷也由顯四傳至唐國子祭酒嗣宗欽賜第宅居崑
山生九子皆顯列於朝當時兄弟或守土或遷徙者裔留他郡甚夥也惟次子
濟爲睦州刺史居浙之金華濟生三子珵玕玘玘爲侍御史出判饒州以仁惠
及民民德之夫人王氏沒葬于新平之倉塢長子潤朝居之今
浮邑發京之龍陂流口修溪之梅湖鳳栖鄱陽等處皆其派也後玘棄官逸居
新安之赤山鎮娶汪氏生二子深朝游朝唐永泰間改鎮爲祁門縣今縣治即
張氏之故基也游朝歷官尚書復居金華仍祖貫也生三子長霞齡從父居之
仲鶴齡爲浦陽尉二子曰循曰德遷會稽之橫山温州之永嘉李龜齡更名志

和字子同擢唐開元吳瓚榜進士獻策南宮待詔翰林授金吾大將軍奉勅葬
母夫人李氏於祁西之潤田因盧墓子孫遂居焉即潤田張氏之始也志和泛
舟江湖自號烟波釣叟所著有大易弦真子漁歌滄浪等集行於世生三子衡
衛衢十孫祖士書權文武仁興立德皆以文學著書諱學翰同鶴齡紹子沂居
邑南之新庄即志和公之別墅也權諱學表居邑西之塘頭德諱學行居邑北
即祖基之地也時號四張之稱其後潤田一支徙居邑西之黃金坦邑北一支
避難居湘溪自祁邑而分者婺之甲路休之環珠漁灘杭溪烏門歛之上路潭
潭績之河東北坦黠之郭村宣城之旌德涇川之省潭德興之王家源樂平鄱
陽餘于安仁弋陽貴溪彭澤是也塘頭新庄歷宋無傳俱潤田繼之塘頭仍其
故址新庄一支徙宣化坊之西遷婺邑者乃衛公季子仁公初從大父金吾隱

黃山復隱居績之吳楚山而周生焉周生三子雄偉徹避巢亂逸居歙之漢洞院賊平後徹徙居婺邑之甲路生三子盧休敬其後敬遷而繁衍者婺邑之游汀西汀王六塢張村石下大源曹溪東溪城東北山幕山休之南園萬安之水南池之石埭貴池南陵是也其歙邑滿田派出幕山延嘏公之後又自滿田而分者左漢漢口岑山東源石嶺武陽黃脩紹前佳口邵村楠田定潭淙之遂安等派是也此皆譜會之通派而歷々不紊者至若根據遠方蔓延大邑有宗河間杜陵范陽襄陽洛陽之派者有宗下邳曲江綿竹襄國河南吳郡之派者有宗魏州之昌樂浙之金華蕭山餘杭湖州温州之派者千縷一機萬殊一本雖以中原金華之相尋而張氏之雲仍誇壓南北無地無之矧以見通譜之大本源之深遠也雖然天地者吾人之元氣也子孫者祖宗之遺體也攝元氣則知

所以敬天地重遺體則知所以尊祖宗一而二二而一者也載觀張氏通譜系接本原紀分內外近有據而不忽遠有徵而不遺如經縱緯橫蟬聯蜂出其例嚴其法簡便天下後世凡有志於譜者將不取法於張氏耶自茲以往闡忠孝之路啓節義之端建功勳之基識政事之要其或隱顯不同而著作流芳易地則皆然也儻曰謹名實

嘉靖九年庚寅孟冬月吉日

敦禮讓序昭穆是固宗盟者之責也予奚文

賜進士及第光祿大夫柱國少師

太子太師吏部尚書謹身殿大學士知制誥經筵官

國史總裁鉛山費宏序

嘉會舊續譜序

甚矣譜牒之有關於人倫不細也夫家之有譜
卑正名分使人人親其親長其長而不容毫髮僭差者皆原於此粵自王政既
熄宗法久廢能知祖前賢以譜其族者幾希求其本天性之愛篤同宗之念而
譜牒之制創出於今之日者予於旌之張氏見之矣予當正德紀元筮仕於旌
閱張氏譜按其姓本之黃帝之所賜歷唐虞三代迄漢唐宋以至我朝其間
名宦鄉賢忠孝節義代不乏人及稽旌德之派實出自徽之祁邑潤田唐金吾
志和公十五世孫諱大卿公者始焉公與上虞李光友善建炎初光知宣州公
往訪之會潰寇戚方作亂光用公計堅守賊退公歸道經旌邑因俗淳厚遂家
於旌迨今十有八世以文章華國為旌科第世家其致政歸休者于岡竹山予

老友也一旦會其在庠者曰斯壘斯玳曰大紳曰炳曰世用謂厥先澤寢遠子孫分徙不一前乎此者譜久未修故欲詳考不可得也夫今不修恐後之視今又將如今之視昔相與遠考旁詢於凡可知者生卒娶葬之類悉就脩纂各以行第相從乃命子姓斯璠斯珪斯瓚大壽輩以董其事因其舊而補其闕焉間因走書屬予曰鳳聞古之人於其生之衆也必有以統之非宗法乎於其衆之分也必有以合之非祭法乎居而統其衆於宗祭而合其族於廟所以收其散合其離默有以崇重乎水木本源之義而興起其孝敬順睦之心也然祭法必先建祠建祠必先闢地未易輕舉而宗法惟在脩譜吾人所當先從事者也鳳敢以譜脩諸子姓而修之旣成復率詣祁而會統焉遂執贄請敘於予嗟乎嘉會張氏自徽遷旌派分許衝其世次慶澤可謂盛矣而于岡諸友統之會之俾

盡其道可不謂賢乎張之後人尚思世諸友之心勿替引之則張氏之澤彌遠
彌光未可涯也予釋褐至今官幾三十年不親筆硯久矣茲因于岡請遂不辭
爲旌張族譜序而備言焉

嘉靖壬辰仲冬之吉

賜進士第大中大夫資治少尹南京戶部侍郎兼署工部尚書事晉江顧珀撰

Table with 12 columns and 10 rows of faint text.

許衝派舊續譜序

余聞家國一理也諸侯有國孟子嘗謂故國在世臣然天下稱故家亦必有道豈獨無所在哉蓋故之爲言舊也舊奚爲也世譜而已矣譜旣具于焉倫理明恩義篤仁以相愛燦然有文以相接禮樂衣冠代有其人所謂故家是也微譜則族之疎戚祖之源流遠不可稽而人有以言及之者索之弗得漫無所應祇見愈遠愈失其真宗人憇視日趨於苟簡而何故之足稱噫譜可弗修哉幸惟我旌邑張氏遷徙有自派居嘉會祁潤田大卿公遷之派居許衝嘉會足公遷之大卿唐志和金吾公十五世孫足公大卿公孫也嘉會自祁門始余許衝自嘉會始而上宅村派許衝之枝分焉邈而求之譜爲可徵嗣是弗修徵於前者安知不晦於後昔吾足公之孫喜與慶以文學同科並授府諭喜慶之裔玘昊

遂玃頊永仁沅達元欽以義授官賓鄉飲建廟追遠夫譜之修族之會後先刻
志皆未得而就緒也迄今祁邑我宗盛興義舉凡同本者欣然悅靡然從不謀
而自合况余襲蔭宗祖獨無重本之念乎乃纂世系搜文獻悉登於策畧者
詳焉缺者備焉晦者闡焉繁亂者刪焉既編次成帙諸父老跋履山川抵于祁
大會自許衝言倡首則裔孫暕昶曷是達杰也其餘各効己力翼贊勤勞統祖
宗之所自出別子孫之所自分有綱有條觀者覽焉某人續某祖下某支續某
派下一舉目而槩見真曠世之盛典張氏之完譜也耶余非以是徒標榜而所
以爲故家亦當不外得矣雖然故國在世臣故家在世譜而直不矯信不誣名
分之辨真贋之析光前烈而裕後昆大有功於斯譜則又存乎人焉耳相與共
事者勉之作續譜序昔嘉靖十一年仲冬既望京闈進士裔孫廷傑拜書

進坊派舊續譜序

旌德張氏鉅族也其秀而文者有曰永茂字德盛娶吾郭氏姑之子因從學於
吾先君子嘗以肩輿請先君子抵其家爲數日之飲因請余昆弟侍先君往焉
自入門以至於爲席進食暨於歸禮無違者先君子顧謂余曰故家之典刑於
是孱在余當時固已識之心矣今乃踏吾門請曰余族之先出自姑蘓因宦淞
江遂居焉繼遷祁邑之潤田新庄自潤田新庄遷旌德者曰彥遂居進坊市南
彥遂七世孫崇盛遷邑之蓮塘九世孫希浚字仲旦號爽山授四川縣尹爽山
子魁公諱文振字君德爲本縣尉遷邑之五里石橋畔丁未陽九圮於洪水從
四都大楊樹口斬艾其薦莽作室以居僅三十餘年復遷十三都盤瑤魁公長
子曰可信八世至先夫父道蔭先父貴興永建厥家于茲克恭生生其後可正

遷瓦埕山喜孫遷霞塘關壽遷一都後林宅應遷四都新橋布楸以居可信當
有宋紹定之壬辰寇劇嘯衆趨卷陡頓旣而灑擗先人之舊廬如器敬璜考復
整復磨大父下而好潔雖諧顛旁午畧無遁容家君未於蚤孤克自樹卓隲咀
禮誼婪嗜施予遇事不疑茲救患分災匪飢匪渴每諄且以昭家人未嘗擽撫
人隱伏人斬之則斂躬而退頭之則引侃言自歸雖餽未嘗不躬如禮酣未
嘗不溫藉自持以勝吾兄永芳德馨與僕等議曰族衆而譜不續修大懼晦前
人光予甚弁焉幸新安宗人復有意於茲予曷敢已哉余曷敢已哉儒有總五
經之眇論者盍請引諸其首是以來請序曰譜牒之修統同之禮典也蓋天墜
剖泮自有而無謂之彰自無而有謂之化萬物蠢生芒黜其初一人之身
也因生賜姓因姓別氏因氏立宗有百世不遷之宗有五世則遷之宗其初又

一人之身也。奠世系昭姓原各先其先各親其親匪樹異也將合小不異以爲大不異也。沿源而委自網緼之初一人以至於賜姓之初一人吾不知其幾也。強號之曰萬有羨焉。沂委而源合吾親之支以爲一小宗合吾祖之支又爲一小宗以至吾曾祖高祖等而上之爲一大宗又合四海之衆大宗等而上之以爲網緼之初一人豈匪所謂爲大不異者哉。故譜牒之修吾嘗以爲統同之禮典也。張氏之族遐哉邈乎其來尚矣。考之天文志張六星南方朱鳥七宿言萬物皆張也。考之姓本張揮始造弦實張網羅世掌其職後因氏焉。粵若來軫轉曼衍蕃於海內若夫秦激尚存之舌餘隙刎頸之交赤松黃石教孺子之一人人倫天倫見將軍之深識伏譚易而撤舉比勇奪振古之儒宗剖秋毫而義利言發聖賢之精蘊至於達賢有後爲政樂民爲世虎臣作朝良相赫

奕益州之像阿幽蜀墜之桑閩中之保宗祀西鄉之建功勤則有建侯行師者
矣若迺黑山改本姓之褚鵠鳴惑黔首以道則冒幻無稽識者欲墨竅古史虜
他如騷人墨客烈女貞妻代不乏人史不絕書至今言夥願族之爲姓彰之者
儼理並稱猗歟盛哉然而歷世久遠豈無當時富貴顯赫以無他能磨滅無聞
不可勝記此人辟如煙雲之過目好音之映耳匪不警連一時竟弗克以不朽
太上立德其次立功其次立言則雖布衣韋帶之士菟茸褒顯垂之竹帛百代
不泯君子欲自脩己以著其姓以望其族以名於世於茲三者其可不加之意
耶子張子欲予序譜以昭示後世故予爲道其所以不朽者以勗之云

嘉靖十一年秋八月望日邑人鄉進士梅鶯纂

旌陽張氏續修宗譜目錄上卷

卷之一

嘉會派續修宗譜新序

許衝派續修新序

唐冲派續修新序

進坊派續修新序

續修宗譜序 嘉會裔孫尚煊

續修宗譜序 嘉會裔孫希瑗

續修宗譜序 許衝裔孫主宜

續修宗譜序 許衝裔孫定煊

吾族宗譜修自康熙辛卯歷數十年未紀
 會核乾隆辛酉奉 憲嚴查凡譜內有干
 忌諱違碍處行塗改蒙此本宗支派齊
 集查如起數月應 制告假但當日纂修
 未紀部數恐有偽支謀入不肖裔射利以
 售違 例致誤久遠以為冒宗張本族
 議將譜編前字號總計五十四部刊刻圖
 記十年一會失落處譜如有未經塗改並
 無字號圖記者即以廢譜論不得收入亂
 吾宗支云

乾隆四十七年歲次壬寅春月
 嘉會謹識

續修宗譜序 許衝裔孫徵庸

天字號寶公分市橋

公裔收執

續修宗譜序 嘉會裔孫謙

續修宗譜序 許衝裔孫士亮

地字號寶公分石峴山

公裔收執

續修宗譜序 嘉會裔孫希聖

續修宗譜序 許衝裔孫青龍

元字號寶公分蛇坑

公裔收執

修譜知單

約修宗譜小引

黃字號寶公分溝上

公裔收執

凡例

敬述朱文公家訓

唐王中書勸孝

文字號寶公分溝上

公裔收執

家規 十八條

續整排行定式引

宗譜原序

宙字號寶公分

井畔

公裔收執

嘉會舊續譜序

洪字號寶公分

二都

公裔收執

許衝舊續譜序

進坊舊續譜序

卷之二

豐字號寶公分

二都

公裔收執

得姓郡望

宗古今遷居地與廟墓圖

日字號寶公分

二都

公裔收執

旌陽衆派遷居地與廟墓圖

嘉會宗祠圖

月字號寶公分

二都

公裔收執

許衝派村址圖

盈字號寶公分二都

公裔收執

許衝八景詩集

景字號寶公分二都

公裔收執

續修宗譜職名

辰字號寶公分二都

公裔收執

宿字號寶公分一都

公裔收執

列字號寶公分鳥嶺

公裔收執

旌陽張氏續修宗譜目錄中卷

卷之一

本源宗支紀

世系引

良公天字行派暨金字四十一世

卷之二

生字暨珠字十二世

卷之三

稱字暨果字四世

卷之四

張字號嵩公分高嶺公裔收執

寒字號嵩公分對門公裔收執

來字號嵩公分對門公裔收執

暑字號嵩公分對門公裔收執

往字號嵩公分長房公裔收執

珍字暨萊字四世

秋字號嵩公分房二

公裔收執

卷之五

重字暨海字四世

收字號嵩公分房二

公裔收執

續修宗譜跋

嘉會裔孫問達

續修宗譜記後

嘉會裔孫永陞

冬字號嵩公分房二

公裔收執

續修宗譜記事

嘉會裔孫日燦

續修宗譜跋

許衝裔孫則恕

藏字號嵩公分房二

公裔收執

閔字號嵩公分房三

公裔收執

旌陽張氏續修宗譜目錄下卷

卷之一

歲寒子孟談公傳

餘字號嵩公分三房

公裔收執

漢留侯文成公勅

成字號嵩公分三房

公裔收執

漢留侯文成公傳

歲字號嵩公分三房

公裔收執

漢安卿侯禹公傳

吳大鴻臚儼公傳

律字號嵩公分四房

公裔收執

晉大司馬翰公傳

晉御史中丞憑公傳

晉郎中令禕公傳

呂字號嵩公分四房

公裔收執

唐祭酒贈禮部尚書康公傳

調字號嵩公分四房

公齋收執

唐御史弘公傳

唐金吾志和公行狀

碑銘
漁歌

陽字號嵩公分山母真

公齋收執

宋彥祿公狀表

宋教諭喜公傳贊

雲字號雪公分上岡

公齋收執

宋教諭慶公傳贊

明道亨公之惠安序

騰字號雪公分上岡

公齋收執

明萬里公改選序

著存堂記

致字號雪公分上岡

公齋收執

許衡祠堂記

永思堂記

允暹公墓表

明旌表孝子道榮公傳

崧峰記

文頤公傳

明學諭鳴鳳公序

孝子鵬舉公傳

卷之二

斯璠公栢山公合傳

斯昌公斯昂公合傳

兩字號雪公分上岡

公裔收執

露字號雪公分上岡

公裔收執

結字號雪公分除柳

公裔收執

為字號喜公分許衝

公裔收執

霜字號喜公分許衝

公裔收執

關孫公記

金字號喜公分許

公裔收執

石卿公傳

道軒公傳

生字號喜公分許

公裔收執

陵興公傳

世添公傳

麗字號喜公分許

公裔收執

理卿公傳

左溪公傳

水字號喜公分許

公裔收執

竹坡公傳

榮山公傳

玉字號喜公分許

公裔收執

完我公傳

慎所公傳

源長公傳

樂軒公四世合傳

曰光公傳

清字公傳

克初公傳

光初公傳

汝杼公傳

立綱公傳

盛慶公傳

崑字號慶公分許

公裔收執

崑字號塘冲

公裔收執

岡字號塘冲

公裔收執

劍字號塘冲

公裔收執

號字號塘冲

公裔收執

拔甫公傳

巨字號進坊派

公裔收執

懷川公傳

善之公傳

闕字號進坊派

公裔收執

首之公傳

君華公傳

珠字號進坊

公裔收執

育之公傳

純中公傳

稱字號進坊

公裔收執

極之公傳

實之公傳

德維公傳

從周公傳

德鉉公傳

日成公傳

仲岡公傳

光漢公傳

哲生公傳

子輝公傳

運開公傳

尹功公傳

虎文公傳

斗初公傳

仲輔公傳

佐周公傳

德衍公傳

萊蔭公傳

伯昌公傳

孟調公傳

是遘公傳

軒甫公傳

君碩公傳

戩穀公傳

禹功公傳

至元公傳

季靈公傳

雲章公傳

暉若公傳

洵美公傳

于王公傳

俊位公傳

仲玉公傳

紹卓公傳

聖瑞公傳

傑榮公傳

于喬公傳

子珍公傳

聖貴公傳

李聖公傳

聖天公傳

海心公傳

聖德公傳

許衡人文合傳

友海公贊 并引

友深公贊 附頊公贊并引

玘公贊 并引

德章公行述

玘公贊 并引

永昕公贊 并引

永晃公贊 并引

永暎公贊 并引

利慶公傳

書橋公傳

鶴峰公傳

極貴公孝行傳

仰山公行畧

環亭公贊

大正公壽詞

并引

雙橋公傳

竹林公傳

彩文公傳

鳳瑞公傳

醴瑞公行畧

繼輝公傳

紹橋公傳

俞廷公傳

應午公傳

繼貞公傳

仙台公傳贊

鳳台公傳贊

有常公行畧

有欽公行畧

龍陽先生集卷之二
鏡甫公贊 有引

靜菴先生傳贊

藍田公傳贊

自睿公傳

自持公傳

伯昭公傳

居易公傳

自志公傳

惟貞公傳贊

惟貞公暨玉成公合傳

其謨公行畧

其鳳公行畧

仲因公傳

士心公傳贊

主楊公傳贊

受百公贊

有引

巨川公傳

守良公行畧

侃如公暨和公合傳

渭珍公傳贊

龍陽張氏續集卷之十一
際泰公傳贊

衡公碑記

天益公傳贊

國慶公暨劉氏合傳

國楷公傳贊

吉生公傳贊

以仁公序

翠亭公黃山記

翠亭公傳贊

公翰公傳

無窮公贊

并引

自守公傳

主順公傳

仲周公傳

龍川公壽序

卷之三

陸孺人傳

宋孺人傳

李孺人傳

何孺人傳

吳孺人傳

郭孺人傳

倪孺人傳

黃孺人傳

舒孺人傳

汪孺人傳

劉節婦傳贊

二梅孺人雙節傳

姚氏存蘭孺人傳

倪氏時卿孺人傳

卷之四

墓圖引

墳圖

卷之五

嘉會宗祠樂助引

嘉會宗祠香燈田碑記

威顯廟山門記并樂助碑

重修五顯廟碑記

姚城冲墓碑記

張氏中墓碑誌

重刻正臨鳳碑誌

鳳陽鳳山門前長樂碑誌

張會宗鳳香社田碑誌

張會宗麻樂社碑誌

張文正

張國太公碑誌

張國太公碑誌

張文正

張氏修譜知單

家之有譜不可一代不修不可一代不續昔人云三世不修譜謂之不孝是家譜之修誠重也吾張氏家譜續於嘉靖間屈指百餘年其間世運變更廬舍遷移墳墓不無失業排行或有差訛此豈人心之多睽而鮮合欤抑歷年永久老成代謝簡編殘遺莫爲修續雖盛弗繼爾不孝等夙承先諭念切本支親邑中之望族無不編輯俱已躊躇而滿志覘吾族之支派未獲修明能不感觸而興懷敢告闔邑衆派或居城市或住鄉村同敦一本之誼共篤親仁之意凡縉紳衿士各貸餘貲以爲首倡嗣後或計戶口以均派或緣好義以輸將總祈美言贊助玉斧董成共襄盛事再公報老成一

名以爲執譜頭首一名以爲催徵至於纂修內如校正叅閱必須博雅通才

於陽明氏續世宗言
卷之
理分司端賴賢英俊傑任事固期全能回人還當罷使爲此鐫刻佈聞

凡例開後

一世系源流自揮公始及大卿公立作柱頭照次列派以作額規

一祖功宗德無不盡錄近時傳讚之類不因公議自付剗剔甚失循名核實之意毋得濫收其應刻者自出已貲間有實行可嘉而力不及者係衆助貲以篤善亡之義

一忠不問名爵必靖難死節方確間或有政聲可傳謠頌可據僅可補入出仕者另有註脚

一孝不問旌獎有無必諮輿論爲準割股雖良不在內數

一廉以堅操爲主如完吾先生之困終理宜領異血食

一節以蓋棺論定

一祠內墳墓已失三業嗣後有紀有圖私派圖聽其自費

一祖宗墳墓務須詳載不差日後方無失業之弊舊譜內倘有土名山向差錯者必當詳察改正

一承繼并蟻蛉者條固從寬亦必本派無議相安爲妥

一非同派雖富貴不得濫收以紊宗支如有徇私誘入卽將引進之人鳴鼓痛罰

一各派無嗣者書止續二字別之不得畧去以滋怨悵

一執譜每派各報一名必慎重公舉齒德賢能方可任重

一各分公舉頭首一二人以爲催徵錢穀并編集稿簿如錢穀不交稿簿不

清俱責在頭首

一交單式每派付能事者照次編定釘做一冊送生修處其封面書某派下共現在人名若干共字若干共費若干開列清楚以便稽查

一刻費照現在人丁各出銀壹錢貳分以包已故人名之費如註脚過三十字者加銀壹分字再多者照公價加算

一付費分三限初交名目簿付三分之一臨鐫板又付一分將完必全付不全完者必不告竣

一鐫板後不許插換更改違者認工本外仍罰

一樂助聽其自願倘有仗義輸金者永載不朽

一書寫刻工必擇良善內外不得徇情私薦恐致魚魯錯悞

一校正

一編輯

一參訂

一謄稿

一對同

一綜理

一督率

諸項候擬人纂修條款議定嗣出

劍華

康熙五十年三月十八吉旦

裔孫尚煊等全具

問世撰

張氏修譜知單

在易長氏續修宗譜

卷之

... ..

... ..

... ..

... ..

... ..

... ..

... ..

... ..

... ..

約修族譜小引 并九例

竊惟賜姓錫氏先王之至教攸存收族敬宗生人之大義所係咏行葦之柔澤
周道百世彌親覽瓜瓞之綿延世德千年益大欲報本而反始自義祖而仁親
特宗法不修悼自秦漢而後氏族日亂尤自元魏以來一本所分竟同秦粵五
世親盡莫辨誰何諷少陵之詩知同姓之不敦久矣讀淵明之作不路人之是
視誰歟此仁人所共傷懷而識者更宜留意維我張氏得姓最古益蕃于今錫
土青陽覩瓠以利用受書黃石借箸以陳謀
考之經史代有傳人按之家乘獨無闕簡十二州遷徙具在十四望世系無
遺宋元各已續修嘉靖又嘗合輯固為歷代之盛舉足徵前賢之苦心但自庚
亥至今支干一易筆字以下行次七增族姓益繁滄桑已更歷歲月之綿邈問

世次而難知值遷徙之靡常訊昭穆而莫辨甚且桑梓已剪難尋先年之廬泊乎封樹無存不識祖宗之墓如是以沿後葉何以上溯本根是族父老皆有深憂而予小子能無專責故自同光建炎遷居而後由嘉會許衝分派以來追溯

宗支條分世次輯續允當考核精詳務使

宗支條分世次輯續允當考核精詳務使

宗支條分世次輯續允當考核精詳務使

宗支條分世次輯續允當考核精詳務使

宗支條分世次輯續允當考核精詳務使

分明至於汝南傳其先賢襄陽不忘耆舊皆闡幽之雅意亦景行之深心矧孝子順孫素推重於鄉黨法言懿行足儀表於將來而上不載於史官下復遺於家牒幽光未著後世無聞死者有知不能無恫至於班揚著書簡末亦敘其家聲陶謝有作篇中嘗歌其祖德承祖宗後而使有美不彰在宗族間而使懿行不紀豈特負慚於大雅亦何所賴於斯文但譜與史殊止當錄其善行而譜與史合亦無取夫浮誇况沒世而名乃真必蓋棺而論始定自當據狀直書按行

作贊文非溢美言者不近於諛字無虛設聞者不引爲笑務成千古確論毋使九泉懷慚則今之輯斯譜也忠厚之思宛乎存焉將後之覽斯譜也勸懲之志亦勃然興矣

九例

一古者大宗小宗之法立姓氏族秩然無紊昭穆百世具存迨秦漢以來封建廢仕不世官宗法遂壞然魏晉後氏族門第昭然可據者譜牒存也迨至後魏而姓氏亂唐衰而譜牒廢歷元明而其學遂絕今之爲譜者不過遠援經史名賢以爲自出甚且妄撰世系通傳而下所爲名號不過亾是子虛已耳獨我張氏譜牒相承最古派別分明確有依據而嘉靖續修自留侯而下以千字文爲行尤覺井然雖族分千年地隔千里凡屬同姓可一問而知

其世次矣

一記曰繼別爲宗繼禰爲小宗蓋以別子始爲諸侯爲大夫子孫宗之百世不遷而繼禰者五世則遷今無世爵大宗之法廢而不立而小宗猶可做而行之舊譜世系倣歐譜五世另提略見五世親盡之意而原本始遷分派之祖則亦大宗之義也今仍之

一前譜每提頭接前祖名冠首下列四世各註行次旁以陰文註世次今因子孫衆多名字同者不少提頭接前或間數紙數十紙閱者一時查檢不細以同名致訛有之故於提頭祖名上加某長次三數字則益瞭然矣

一每名下書字或有別號并書別號或有兩名書原名某繼書官爵或素業亾

者有諡則書諡繼詳生卒殯葬繼詳婚娶子姓女字某姓某生平有善行摘

其大槩標數語于上庶幾一覽易知若有傳者則云後有傳生者名字官爵

婚娶子姓外槩不錄其行事以沒世論定晚節難以預知也

一有忠孝節義懿行文學可傳不朽者爲立一傳傳後據其事作一贊致敬仰示法效也若行述行狀古人原爲作傳張本墓誌則藏諸幽壽文近巫祝浮詞俱不當載至其平生所著詩文足以傳世而未布者雖不忍其湮沒特文繁且非譜例亦不載入

一譜與史異史記善惡昭勸懲譜不過紀世系所自出以致吾之尊親間紀善行亦以示子孫而已豈宜有所指斥刺譏然生平無善可錄則其人亦居可知矣是勸懲之義亦未始不行乎其間

一譜以明本支若本同祖而以微弱見遺非同派而以貴勢扳附是本支反以譜亂也茲由大卿已下查核詳寔不敢苟收一族遺忽一吏庶幾內告無

加陽別氏續修家譜
三
愧于祖宗外亦無取譏於識者矣

一婚媾姻婭之家必書其地里官爵無官爵亦必詳書其名字若伯叔子孫有聞於時者亦間援引及之庶後世易知而可考不怠故舊自君子之厚道也

一族無嗣而有承繼或本族或異姓必詳書明白若無繼則書止以防後日之冒濫焉

一墳墓祖考體魄所藏故必詳載地里坐向并畫爲圖旁列四至畝稅以示子孫俾其易知不至失業爲他人侵佔

一遷徙新居卽不出邑里亦必詳書以後世子孫繁衍則此地爲分派之始庶乎其有所考也

一我張氏自~~得~~得姓已來支派遍於天下譜系分明唐以前修輯年代無可

援据而宋乾道咸淳元皇慶至治至正暨明歷朝皆有序可考是嘉靖九年
之刻其承襲有由來矣况我家有嘉靖前宗譜故老猶及見之後
失于盜今嘉靖譜所載留侯以來遷徙名字地里多與史冊異同然年歲久
遠而小子輩見聞固陋且家無典籍無從校考不敢妄加刪改且恐一加刪
改與諸派譜牒不合故自康熙已前一仍其舊而嘉靖以後則加精焉志慎
也倘欲訂正前譜訛謬傳信將來敢以俟博雅君子

一前序并各文雖妍媸並見然俱當時有聞之人若輕爲改竄難免僭妄之譏
故依原文刻之俾見前輩一班至刻寫訛字空加訂正無如數年之間因循
怠緩常爲他務所牽一旦前版恐告蠹壞急遽刷印遂無暇細校間一取視
魯魚滿紙未免貽笑於後來矣

一傳須據事直書贊語當允合公論必使言之者非誣受之者無愧方可光泉
 壤而示子孫至文采筆力原不足與作者較工拙故不載撰人之名亦不假
 銜時賢若有詩文真出當世名公所贈足傳不朽者則亦間為附載

此書之旨在於傳事直書贊語當允合公論必使言之者非誣受之者無愧方可光泉
 壤而示子孫至文采筆力原不足與作者較工拙故不載撰人之名亦不假銜時賢
 若有詩文真出當世名公所贈足傳不朽者則亦間為附載

此書之旨在於傳事直書贊語當允合公論必使言之者非誣受之者無愧方可光泉
 壤而示子孫至文采筆力原不足與作者較工拙故不載撰人之名亦不假銜時賢
 若有詩文真出當世名公所贈足傳不朽者則亦間為附載

敬述朱文公家訓

黎明卽起灑掃庭除要內外精潔旣昏便息關鎖門戶必親自淪點一粥一飯當思來處不易半絲半粒恆念物力艱難宜未雨綢繆母臨渴掘井自奉必須儉約宴客切勿流連器具質而潔瓦缶勝金玉飲食約而精園蔬過珍羞母營華屋勿謀良田婢美妾妖非閨房之福三姑六婆實淫盜之媒奴僕勿用俊秀妻女切忌艷妝祖考雖遠祭祀不可不誠子孫雖愚經書不可不讀居身務期質樸訓子要有義方莫貪意外之利勿飲過量之酒與肩挑貿易母僭便宜見貧苦親隣須多溫問刻剝成家理無久享倫常乖舛立見銷亡兄弟叔姪須分多潤寡長幼內外宜禮嚴體肅戒爭訟則終凶戒多言言多必失母恃勢力而凌逼孤寡母貪口腹而恣殺性命聽婦言乖骨肉豈是丈夫重貨財薄父母

不成人子嫁女擇俊壻勿索重聘娶媳求賢女毋計厚奩見富貴而生諂容者
最可恥對貧窮而作驕態者賤莫甚乖僻自是挂誤必多顏墮自甘家道無成
狎昵惡少久必受其累屈志老成急則可相依輕聽發言安知非小人之譖愬
當忍性三思因事相爭安知非在我之不是須平心一想施恩無念受恩不忘
凡事必留餘地得意不宜再往人有喜慶不可生妬忌人有禍患不可生喜
幸心善欲人見不是真善惡恐人知便是大惡見色而起淫心者報在妻女匿
怨而用暗箭者禍延子孫家門和順雖饗殮不繼亦有餘歡國課蚤完卽囊橐
無餘可稱至樂讀書志在聖賢爲官心存君國守分安命順時聽天爲人若此
庶乎可矣

唐王中書勸孝文

世有不孝子浮生空碌碌不念父母恩何殊生枯木百骸未成人十月居母腹
渴飲母之血饑食母之肉兒身將欲生母身如在獄父爲母含悲妻對夫啼哭
惟恐生產時身爲鬼眷屬一旦見兒面母命喜再續自是慈母心日夜勤撫鞠
母卧濕簟蓆兒眠乾裯褥兒睡正安穩母不敢伸縮潛身在臭穢兒病甘自贖
橫簪與倒冠不暇思沐浴動步憂坑井飲食捐布粟乳哺經三年血汗計幾斛
辛苦萬千端年至十五六性氣漸剛强行止難拘束朋友外追遊酒色恣所欲
日暮不歸家倚門至昏旭兒行千里程親心千里逐一娶得好妻孝思從此薄
父母面如土妻子顏如玉親責反睜眸妻詈不爲辱母披舊裙衫妻著新羅縠
父母或鰥寡長夜守孤獨健或與一飯病則與一粥棄置在空房猶如客寄宿

將爲泉下鬼命若風中燭快快至無常兄弟分財祿不識二親恩惟言我之福
蒸嘗亦虛文宅兆何時卜人不孝其親不如禽與畜慈烏尚反哺羔羊猶跪足
爰是述俚言爲汝效忠告王祥卧寒冰孟宗哭枯竹伯俞曾泣杖仲平身自鬻
郭巨埋生兒丁蘭悲刻木如何今之人不學古風俗勿以不孝頭枉戴人間屋
勿以不孝身枉著人衣服勿以不孝口枉食天五穀字實雖廣大不容忤逆族
蚤蚤悔前非莫待天誅戮

家規

周詩所云君之宗之蓋使民知所統也宗法廢而民散矣迨譜牒旣修世系
昭穆以明雖大宗難復猶可做其義以行之使人各知所統所以禪王道而
助教化豈淺鮮哉然聞之先哲世家大家之分凡歷代簪纓不替爲世家舉
動循禮義子弟有家法使一邑於是觀法焉爲大家吾張氏自大卿公居旌
世以禮義爲邑所推近小不振由父兄之教不先子弟之率不謹今昭穆燦
如祖功宗德羹牆如見使不申明約束共勉爲守禮蹈義之家將何以無愧
先緒乎故倣古大宗之法於一姓內擇耆年有德爲衆推服者一人立爲宗
長次復於各族內擇一人立爲族長以副之而紳衿通古今識義理方正不
阿者擇數位以相輔佐凡族有善爲之褒有惡爲之戒吉凶荒歉災患爲之

加陽列上經傳卷之二
慶弔賙恤興作修舉財物出入爲之斟酌度量暇日講明禮義臨事辨別是非有不率者則集衆以加之贖罰庶幾有鏡而不散雖千萬人之衆不異一家古大宗小宗之法不猶於吾族而猶有存歟謹列家規一十八條於左使合族永遠遵而行之

敦孝弟 慈友附

孝弟爲百行之原爲善至聖賢必從孝順立本爲惡至桀跖每從悖逆兆端觀其爲子爲弟而生平已槩見矣然事父事兄本人人能知能行而乃忤慢桀傲非天性獨薄由習俗日非也凡爲子者怡色婉容務得父母歡心生事盡力死事盡哀隨分之當盡竭力之能爲而道已無餘焉至於兄弟本同一氣自少相依以至白首共歡樂同憂患莫過於此近乃以錐刀之末競起爭

心至欲交結外人而兄弟間反視如路人甚如仇讐者釋氏所謂行顛倒行莫過是矣嗣後有不善於家庭致父母怨怒兄弟戈矛者族長須再三教諭開導或執不悛則告之宗長加之扑罰庶乎知儆也書又有曰於父不能字厥子乃疾厥子兄不念鞠子哀大不友於弟速由文王作罰刑茲無赦今爲父溺愛偏聽以致傷慈者不少兄之恃長凌弟者往往有之宗長族長亦當訓以天良迪以民彝則家庭之間庶共歸於太和之宇矣

盡忠順

君親之義無所逃於天地之間國語曰民生於三事之如一左氏曰子之能仕父教之忠是凡策名委質常則盡力變則效死義所當然也今乃學古入官計爵位之崇卑官資之多少以爲能否榮辱習俗愚陋智識汙下亦已極

矣聞之山西陽城出爲官者公忠廉潔著聞則鄉人皆加愛敬否則鄙賤不齒風俗特近古焉我先世自留侯來忠節直道履潔懷清世代不替豈今者獨營私肥家致忝厥祖乎下至庶人雖無一命得以宣力而食毛踐土力農事勤輸將亦忠上之義也敢有逋負遲延致有愧於蜂蟻哉况上不欠官糧下不欠私債俗語稱爲樂事每見包攬管用受累特深少明利害必不肯相率效尤也其或昧此者族長須共唾責之

睦鄉黨

親戚附

吾旌聚族而居比鄰接屋皆一本九族之親葛藟之誼固所宜敦卽異姓錯處而尚恤保愛亦所以全生也近風俗日薄乃以貧富相忌貴勢相凌又或以少物而德色因童稚以成釁毆鬪訐訟伏深禍於不測失計亦已甚矣嗣

後吉凶弔問患難周恤務竭誠盡力設或非禮相干亦當情恕理遣此非獨厚隣之道當然亦自衛之善策也至親戚一聯葭莩卽列三黨九族不同路人明矣問遺莫計往來周給須當緩急同患難恤死亡不遺貧賤不棄舊姻君子之厚道也周禮司徒置不嫺之刑倘溺敝俗相率於薄者族長須以古誼訓迪之

肅閨閫

宮室必辨內外男女不共浴堂不共厠男治外女治內男晝無故不處私室婦無故不窺中門夜行必以燭婦人出中門必擁蔽其面男僕非有繕修及大故不入中門女僕無故不出中門出中門亦必擁蔽其面鈴下蒼頭主通內外之言傳致內外之物毋得輒升堂室入庖厨以上載司馬公家儀大家

所宜遵行者然考之禮男女七歲不共席非喪非祭不相授器嫂叔不通言所以別嫌疑也又有宜戒者家不得畜變童俊僕不宜引娼妓入門禁納三姑六婆母得群遊寺院觀劇戲能謹此數條尤有益風教

謹婚姻

婚姻爲人道之始擇配必慎然扳援貴勢依附門第毋論取輕名辱且或恃驕貴而不循婦順輕其夫而不敬舅姑其爲室家累也多矣俗語擡頭嫁女低頭娶婦其言最爲有見但娶婦雖不當扳富貴必擇善良有德之家嫁女雖宜高門亦必相女擇配慎勿指腹結婚鬻配定盟致貽後日之悔其或貪貨而婚下賤慕色而娶娼妓則爲貽笑賢達玷辱祖宗矣

慎交遊

朋友爲五倫之一納交者或以道德或以文章或以術業所取非一然必其品行端方心術誠正庶安常同樂患難同憂無事資其教益有事藉其濟助否則勢利扳援酒食徵逐一遇利害眨眼若不相識甚至入井下石比比是矣至於徒手飽食三五成群相誘狎邪勾引賭博敗德速禍破家亡身皆由於此今後有溺於燕朋比於匪類宗族長須訓戒譙讓庶幾成德行而保家業矣

教子弟

古者有胎教之法能食教以右手能言教之已名唱喏安置有知教之恭敬尊長六歲教之數與方名男習書字女習女工七歲男女不同席不共食八歲教之謙讓禮節九歲習經史十歲就外傳孔子曰幼成若天性習慣成自

然顏氏家訓曰教婦初來教子嬰孩使幼不加教聽其侮詈父母毆擊兄弟
彼遂謂禮所當然習以成性不可復制於是父疾其子子怨其父殘忍背展
無所不至矣養而不教禽犢之愛童牛之牯防之貴預有識者宜慎此矣自
是以往資性明敏者宜肄儒業否則各令習一藝若徒手而食飽飯嬉遊轉
盼蕩家鬻產乞丐窮餓甚且入於非類可不知所戒哉

重師傅

習舉業所以博科第也然先王制度典章聖賢心法道德皆於是乎存而近
世徒爲勦襲以希遇合於是二者并未能睹門仞罋糟粕矣前人有云三吳
盛時主西席者皆厚禮以聘名儒近世圈鹿欄牛撫一金若項王弄印其所
師遂皆庸陋無識帖括之外他無所知不知儒者之學上理國下理身外治

世內治家使非自少經師儒指授講究經書子史祇作浮文讀去矣故教子弟須擇名儒欲致名儒必盡禮敬然後教有規矩學有原本不獨爲士具佐王之才卽資質庸下退業商賈農工亦能知禮義明大體不致流爲市井浮囂山野獷悍

植士品

士爲四民之首藉以作鄉黨矚目使能重規疊矩非法不言不行則宗族藉以爲重一姓細民童豎人亦望而加敬謂彼有人焉不敢輕侮藐視也若無學無識言行迂疎見解與庸愚無別已不足取重鄉邦甚至卑污苟賤靡不可爲市人得以揶揄遠近指以爲戒談者藉爲譏嘲匪人引爲口實不獨官牘之玷深爲宗族之羞也嗣後如前所言則當崇重作養如後一類則當誚

讓傲戒務使悔過圖新庶士品正而四民亦相率而歸於正矣

擇常業

周禮游惰之禁特嚴亦以民生在勤無事嬉遊勢將靡惡不爲故有恒業然後可保恒心也然矢函巫匠擇術又不可不慎同一謀生之道或近清貴或不免人役苟不能讀書進取光揚宗祖亦擇術業之善者爲之使上無玷於前人下不貽辱於子孫則善矣但少父母須相材質爲之審擇長則須自立志不可苟且甘居下流也

禁賭博

附非爲

四民各有常業有志者拮据卒瘁日不暇給而膏腴子弟游手罷民長年無事永日難銷遂借樗蒲博奕爲安身立命始之呼盧喝雉一擲百萬豪氣欲

並袁劉泊乎 其業已盡生計無從落爲乞丐人於盜賊刑憲已及欲悔無從
若彼游手同具身心手足何事不可爲而乃恃此覓食爲正人所不齒鄉曲
所羞稱衣冠在列則羞縮不前親賓宴會則起起難進妻孥不免凍餒已身
莫逃刑責共在人類獨以此終身清夜省思尙何以自容乎族內有此父老
當深責痛戒不悛者告宗長集衆撲責復不悛鳴公究治庶幾風俗可更積
弊可絕乎至有姦盜非爲有妨倫教爲民害者告官嚴治外絕其族屬不使
復與廟祭

戒刁訟

附把持

人貴禮讓使遇橫逆亦須自反至於訐訟已雖有理亦不無過矣故訟卦五
爻皆凶惟中正聽訟之人獨爲元吉聖人之戒深矣吾旌好訟習爲惡俗其

破家蕩產者比比皆是禮義之家豈容蹈此除事關大故萬不得已之外怨
屬睚眦釁啓錐刃何難情恕理遣至於事出同氣嫌生族屬尤當念一本之
誼何可太分你我兩不相下貽笑他人宗族長須當執理分析原情勸戒務
使兩平不爭不特無戾禮義舊聲且可保家養福矣至於假借公事挾制官
長難啓禍發忘身及親尤爲大戒况蜂蟻尙知君臣朝廷設官妄與抗衡自
逞雄傑豈忠順之道乎不幸有此宗族苦口曉諭懲戒可也

革奢侈

侈以亡家儉可惜福其事明載經史歷歷不爽况吾旌僻陋貧鄉地土瘠薄
少有產業者皆由儉嗇刻苦積累而成若少蕩放卽歸烏有故風俗特與唐
魏爲近比來在城之家衣服飲宴輒欲依倣外郡殊非久長之謀尙書有云

驕淫矜侈將由惡終可不戒哉婚姻死葬飲宴間遺務使儉不至陋豐不至奢始爲得宜不幸有失亦寧儉毋奢可也

守謙謹

謙亨有終謹慎不敗所以寡過者在是所以進德者亦在是昔晉三郤之亡以其傲也鄭伯有齊慶封之死以其肆也周公戒伯禽曰德行寬裕守之以恭聰明睿智守之以愚金人之銘曰強梁者不得其死好勝者必遇其敵今尋常之人富非有土貴非有位智不過於中人學止等於下士而或以傲爲高放爲達將何以進德免禍乎是爲人子弟者應當深戒矣

潔祭祀

鬼神饗誠天子諸侯必有神倉御廩本於親耕祭服本於后妃親蠶牛必在

方陽引上卷俱言
卷之二
滌三月犬雞浹日敬之至也今人視祀典爲具文牲不必肥腍粢盛不必豐
潔臨祭誼譁笑語毫無如在之誠孔子曰祭必獲福若如此鬼神將不來享
又何福之與有故凡祭祀必致齋於內散齋於外而祭前一日宗人視壺濯
豆籩告濯具視牲告充舉獸尾告備舉鼎鼐告潔祭之日僂乎有見肅然有
聞事死如生饗之必樂已至必哀如特牲祭義所云庶可告無罪歟

省墳墓

祭墓非古然東南土淺造墓不深常恐崩頽損壞而風水之說咸惑於堪輿
家言侵佔地界盜發偷葬往往有之設爲子孫不常省視其致戮屍暴骸爲
禍不淺後裔可以世遠漠不關心也歟嗣後坟墓毋論世代多少道里近遠
春祭人人必須親到違則議罰嚴立罰例於各清明簿毋忽

設義學

教子弟重師長已有條約矣然合族貧富不等有欲從師而不能者使優優無所知識欲責以孝弟禮義其將焉能况又有美質艱於資用半途廢者深為可惜後當設為義學延師傅購書籍築館舍使人人得以向學庶一族無不通書之人且無美材中棄之嘆矣

置義塚

亡者以附土為安死無所歸暴露淺土殊為可憫月令掩骼埋胔兼及獸骨王朝必置義塚詩云行有死人尚或瑾之此不忍之有同心也况在同姓一本之親乎擇買山地可造葬者任族內貧賤擇地無所并無後之人得以安葬焉是亡者體魄安而共祖一體之人其心亦無不為之皆安矣

以上二條非積有貲業不能行惟族內有才力而抱仁心者起而任其事使富厚有餘之家相爲樂助生息置買義田然後行此有餘又凡科舉會試爲之資送盤費荒歲煮粥散米賑恤更有餘則做育嬰義舉族內有貧賤初生男女難於舉養者爲之收恤乳養是補天地之有憾

俾一本之內千萬家無不得所之一人反之於心不亦大爲愉快哉故以

此居條約之終以待有才力之仁人云

張氏嘉會派續整排行定式引

鼻祖大卿公唐金吾志和公十五世孫也發跡潤田由宋建炎遷旌以金字行
派是為嘉會五百年來約二十餘傳現丁三千有奇然生齒孔繁城市鄉
邨遷居雜處人面莫辨而排行參差稱呼有訛殊非叙序家風爰謀父老
并集英賢斟酌排行三十字鐫標祠額以為準式更剗刷散播令後誕者
遵式依次庶大小先後稱呼畫一云

良公

漢留侯

志和公

唐金吾將軍

大卿公

宋潤田遷旌德

行金字

五十五世

五十六世

五十七世

五十八世

五十九世

生

行夜

世

行光興字同

廷

行果邦字同

本

行珍

一

行李文字同

守

行奈以字同秉字

尚行菜

士行重

肇行芥

元行薑

以上現在九代

善

行海

繼行職

昭行河

祖行淡

德行鱗

光行潛

昌行羽

樂行翔

承行龍

傳行師

時行火

熙行帝

賢行鳥

英行官

盛行人

誼行皇

重行始

君行制

親行文

尊行字

以上共三十傳自生字至肇字九代排行照舊稱呼難以更改姑從每行下註列異同以便觀鑒并候修採至若元字後應較畫一其雲仍百世蕃衍萬代貞下之元又俟後來作者

康熙二十一年一陽月

吉旦

裔孫馨謹撰

向因宗譜未修行次不一德維先生編列排行三十字今刊載于譜以便遵照稱呼

得姓郡望

夫姓者有五音以分同異有郡望以別類從此古帝王賜姓封郡之所由也三代以降稱姓者或以國或以族或以地或以官子孫各本於其祖不可改也漢高祖賜婁敬姓為劉而唐世人主遂以為法以異類為同宗然則古之賜姓者別之而後之賜姓者亂之惟天親不可以人為而強欲同之豈循理者乎上竇其姓下忘其祖非先王之制不可為後世法按宋之姓郡誌自唐永徽六年攷定姓氏開封陳留郡三十五姓濟陽郡六姓鄂州武昌郡六姓洛州廣平郡九姓兗州清河郡五姓至唐乾封元年又攷定十姓以象國註則有清河張廣平程武陽李荊陽

鄭京兆郭上黨陳中山範河澗劉河西任隴西牛是也乃吾張
氏之得姓者自
賜姓張氏官封弓正主祀張星居尹城國于青陽後改清河郡
此張氏得姓之由而望清河郡者獨最



獲嘉 修武

開封府

九江府

鄱陽

崇仁 建昌府

上杭府

平城

汾州 陵州

河陽

祥符 許州

南康府

豐城

南豐 寧都

贛州府

懷仁

仁 路州

懷慶府

榮陽 華果 汴人

星子

進賢

南昌府

贛州府

太原府

太原 蒲州

絳池

河南府

高安

清江

吉安府

新建

陽曲

交城 太原 蒲州

陝州 盧氏 魯陽

南陽府

新昌

臨江府

宜春

潮州府

襄陵

絳州 絳縣

閩鄉

興國州

武昌府

蕪湖

南雄府

始興

絳州

鄒州 醴泉 咸陽

西安府

平陸 陸濟 蕪州

江夏

武昌府

曲江

南雄府

延長

韓城 富平 蒲城

平陸

黃梅

巴陵

善化

臨武

英德

洛川

府谷 酒泉 高陵

孝感

張亮 黃陂

岳州府

長沙府

番禺

順德

同州 蒲州

九峻山 新豐 城固

隋州

安陸

石首

寧鄉

衡州府

高要

太宗昭陵

鄧縣 鳳州

張

房 漢川

安鄉

衡陽

樂昌

連州

同州 蒲州

九峻山 新豐 城固

張

房 漢川

安鄉

衡陽


樂昌

連州

三才圖會卷之二十一



旌 陽 張 氏 衆



旌陽張氏會宗祠


卷之二

派遷居地圖



方陽... 卷之二

田千里
姚與皇
鐫



嘉會宗祠建於前明萬曆乙巳年其首事人名已有碑記立於廟左今將地趾
照冊載明于後

大清順治十五年清丈毀字五十五號土名進賢街西丈地壹畝柒分零柒毫

壹系

共折四百弓零九弓七分
東至街西至皇甫依生屋南至祠屋路北至齊宏教對真應衆地

大清順治十五年清丈毀字五十六號土名全丈地壹分零捌毫

共折廿五弓
九分二厘

東至宏教衆地西至皇依屋南至本祠北至黃家屋

係厨房地

新收本洙地一片土名全丈稅五厘三毫

東帶西一丈九尺南帶北一丈
係祠空地

東至本身廁所及一元地西至地南至祠房北至祠墻

新收本岳廁地壹塊土名全計地壹方 尺 寸

東至溝西至已屋南至祠傍屋北至隆店并身地

又本處路壹條濶貳尺九寸

東至隆店西至已地南至祠地北至大路

田千里姚紹
祇字與皇鑑

節

節

節

節

節

節

十一都張氏村圖

羅黃



方陽引...

卷之二

桃水

羅竹...

庄且勿長氏費冬宗譜

村圖二



鎬 則 惠 甫 寫 睡 石 定 煊 裔 孫

新 嘉 坡

許衝八景

書橋水月

姚世英題

書橋兀兀千年在，托跡清河萬古迨。一派永澄寒徹骨，水光漾月碎瓊瑤。

環亭烟樹

翠環亭構在山窩，四顧蒼蒼入眼羅。月下淡煙迷野樹，老藤纏繞影婆娑。

仙壠松聲

昔人從此去登仙，已識芳名代代傳。一壠古松參碧漢，清風徐入奏絲絃。

鶴峰雲影

白鶴高峰插半空，從來好景落村中。斷聯雲氣時時見，折桂應知有路通。

桃降春晴

平崗窳兀是桃源爛漫花容一色妍春日半斜分亂笑迎風月染野人眠
竹崖雪霽

翠竹猗猗偏嶺崖冷風敲玉共交加天花飄砌成銀鳳一色溪山絕玷瑕

黃山障錦

黃羅山脊是天梯下擁群英次第樓環抱一村橫錦帳騷人贏得漫留題

清溪漱玉

澄徹清溪日夜流久知活水自源頭臨川憶昔懷尼父道體分明不遠求
續八景

書橋水月

張主宣續

圮上傳書青史傳鴻功
暑日星懸溜
綠水家門景好想當年進履賢

環亭烟樹

翠烟鋪滿古亭邊
樹影模糊半蔽天
雁度雲深呼客起
歸時滿袖惹寒煙

仙壠松聲

仙風疑是赤松子
愛坐金巒熱軒萬籟
夜深聲寂
惟聞樹裡海濤喧

鶴峰雲影

奇峰突兀若空懸
隱隱煙雲現小尖
頂上孤松常駐鶴
飛鳴過我致超然

桃降春晴

春雨初晴喜夕陽
花逢日煖轉含香
遊人不識今何地
疑入桃源洞裏鄉

竹崖雪霽

踏雪尋梅儘徜徉
老松嬌樣盡銀妝
遙觀對岸猗猗友
素錦平鋪略低昂

黃山障錦

黃山羅列擁南村，屏翰長開立北垣。
嶺上薰風搖彩錦，終朝坐看却忘言。

清溪漱玉

澄溪涓涓夜長喧，月下沉吟欲問源。
洗耳枕流清趣在，鳴珂漱玉樂堯天。

書橋水月

張徵庸續

熟知村畔有書橋，長鏤清輝度夕潮。
月湧鷗鷺沙岬白，閒來物外任逍遙。

環亭烟樹

一亭環繞翠烟飛，萬樹蒼茫極目微。
却喜吾廬開別野，悠然相對興無違。

仙壠松聲

壠上仙蹤不記年，清風颯颯響鳴絃。
隔林丹井聲名遠，刺有蒼松入暮烟。

鶴峰雲影

延眺閒登白鶴峰時來雲影護虬龍亭
百尺當軒立好趁扶搖上九重

桃降春晴

迢遞平岡幾十尋桃開灼灼鬱長林
晴暉掩映饒春色竟日樓遲對碧岑

竹崖雪霽

為愛山崖竹滿林雪餘風細雨森森
行雲翕翕浮晴日目極寒臯天地心

黃山障錦

一片黃羅景色新峰峰排擠遠相親
林花畫錦侵屏軟萬井遙看滿座春

清溪漱玉

清溪曲曲傍山隈碧映滄波疊岫回
源遠流長千澗滿還將餘潤毓雄才

又五言

張定煊續

書橋水月

月來水上橋影灼玉書昭豈是當年授分編到我郊

環亭烟樹

環亭何所有惟樹帶烟濃鴉入莫知處風來固不通

仙壠松聲

壠上孰為仙松林有韻傳似琴復似嘯果老豈伊廬

鶴峰雲影

前嶂峭凌天雲橫伴鶴眠密疎碎壁蔓下上斷岩巔

桃降春晴

春步晴原好尋芳到壠巔迎風桃浪濶映日紫顏鮮

竹崖雪霽

崖竹時時綠雪覆白遍頭一朝開霽色日映勝瓊樓

黃山障錦

倚蓋幃黃羅時菲艷錦縷問遺誰氏蹟祖德世吾留

清溪漱玉

澄清水一溪帶玉我環依日恐塵泥沒湑漱不稀

又

則恕續

書橋水月

授書橋上月水落影踰躑黃石遺弦妙明珠出渠淵

環亭烟樹

翠環崗上亭烟樹賽瓊林遐望白雲泊迹觀綠蔭深

仙壠松聲

登仙壠上松樹响清風韻發鈞天奏分明閬苑中

鶴峰雲影

白鶴峰間雲時來作隊群飄灩展玉翅影嶂跨仙翁

桃降春晴

桃木降迎春芳菲色真晴和風溺浪汲禹門闈

竹崖雪霽

斑竹崖儲雪高卑堆六出雲開霽日暉光燦水晶闈

黃山障錦

黃羅山後幃百菲華錦樣豈是赤松傳警裔作將相

清溪漱玉

前溪水最清皎潔勝連城只為時漱晶光肖白珩

旌陽張氏續修宗譜職名

纂修

邑庠生嘉會裔孫尚煊

邑庠廩生嘉會裔孫問達

丙戌進士嘉會裔孫謙

乙未進士嘉會裔孫希聖

邑庠生許衝裔孫主宣

郡庠生許衝裔孫士亮

邑庠生嘉會裔孫希瑗

邑庠生嘉會裔孫日燦

方陽引氏系傳卷之二
邑庠增生嘉會裔孫 裔

邑庠生嘉會裔孫尚大

邑庠生許衝裔孫徵庸

邑庠生嘉會裔孫英華

邑庠生嘉會裔孫元猷

邑庠增生塘冲裔孫式玉

許衝裔孫振南

許衝裔孫定煊

編次

邑庠生嘉會裔孫 湛

邑庠生嘉會裔孫 震

邑庠生嘉會裔孫尚學

許衝裔孫定英

邑庠生嘉會裔孫 鎬

許衝裔孫佑賢邑庠生夢龍

邑庠生嘉會裔孫 烈

國學生嘉會裔孫朝宗

邑庠生嘉會裔孫尚恕

候選州同知嘉會裔孫尚雅

國學生嘉會裔孫懋學

方陽引...
候選縣左堂許衝裔孫陞元

邑庠生嘉會裔孫文元

邑庠生嘉會裔孫尚恒

邑庠生嘉會裔孫尚文

邑庠生嘉會裔孫振遠

校正

邑庠增生嘉會裔孫夢海

邑庠廩生嘉會裔孫令彤

邑庠生許衝裔孫必達

邑庠生許衝裔孫士綬

邑庠生許衝裔孫邦幹

邑庠生嘉會裔孫 銓

邑庠生嘉會裔孫尚周

邑庠生嘉會裔孫世楨

國學生許衝裔孫思孝

邑庠生許衝裔孫士美

邑庠生許衝裔孫聖瑞

邑庠生嘉會裔孫又良

邑庠生嘉會裔孫鳴鳳

邑庠生許衝裔孫廷俊

邑庠生許衝裔孫青龍

膳對

邑庠生嘉會裔孫雲龍

邑庠生嘉會裔孫良佐

候選州同知嘉會裔孫致遠

許衝裔孫則喜

許衝裔孫則最

許衝裔孫則遇

邑庠生嘉會裔孫有勳

國學生嘉會裔孫定國

郡庠生嘉會裔孫景元

邑庠生嘉會裔孫尚鐸

許衝裔孫則寧

許衝裔孫則恕

許衝裔孫定淮

許衝裔孫則和

許衝裔孫則奎

許衝裔孫佑義

儒士嘉會裔孫拱辰

邑庠生嘉會裔孫永華

倡首

邑庠生嘉會裔孫問世

歲進士嘉會裔孫 濬

歲進士許衝裔孫廷珍

歲進士許衝裔孫以仁

邑庠生嘉會裔孫宸柱

邑庠生嘉會裔孫劔華

許衝裔孫克廣

許衝裔孫定惠

許衝裔孫則勳

許衝裔孫定陞

許衝裔孫振泌

許衝裔孫則驥

許衝裔孫則學

許衝裔孫克芳

許衝裔孫振鑑

許衝裔孫振琯

許衝裔孫振格

許衝裔孫振浩

許衝裔孫振哲

許衝裔孫定良

許衝裔孫定希

許衝裔孫定旦

許衝裔孫定涵

許衝裔孫定喜

許衝裔孫萬選

許衝裔孫振高

許衝裔孫定富

許衝裔孫定炤

許衝裔孫定選

許衝裔孫則鵠

許衝裔孫則炳

許衝裔孫則雅

許衝裔孫則鉉

許衝裔孫佑明

許衝裔孫佑鶴

許衝裔孫則堂

邑庠生嘉會裔孫尚懋

湖廣光化縣巡檢嘉會裔孫位

浙江東山司巡檢嘉會裔孫一象

廣東開建縣典史嘉會裔孫應斌

許衝裔孫則組

許衝裔孫定培

許衝裔孫則遷

候選縣左堂嘉會裔孫尚吉

候選縣左堂嘉會裔孫大德

候選縣左堂嘉會裔孫文德

許衝裔孫振穆

許衝裔孫定昂

許衝裔孫克琦

許衝裔孫定傑

董治

嘉會裔孫永陞

許衝裔孫振珠

許衝裔孫則衢

嘉會裔孫守冕

嘉會裔孫鼎弼

許衝裔孫則上

許衝裔孫佑培

許衝裔孫則修

嘉會裔孫尚玘

嘉會裔孫尚桐

進坊裔孫克緒

許衝裔孫定望

許衝裔孫振訥

許衝裔孫定老

催趙一秘

尚謙

尚喜

尚栢

士楚

肇基

士節

士有

市橋

一來

守禎

守賢

尚湧

一瑞

溝上

守添

守煊

一法

士表

尚富

尚湖

士宣

士楚

二都

尚評

士旆

井畔

尚德

尚義

尚祿

鳧山

尚東

蛇絲坑

守明

烏山

尚敦

士傑

高岑

文積 文鑑 守冕 尚玳 尚部 尚增 尚期

守豪 尚桐 對門

尚位 萬石山

一堅 尚謙 一作 守耀 士夙 尚蕙 士滔

士洪 一璵 尚杏 肇則 尚禮 守德 守鉦

世德 本楚 一治 一璜 守恬 尚傑 四分

一明 守桓 箕母山

傳燈 上洪溪

一時 守祿 土橋

一畧 守分 守浩 守烈 守蘊 守湖 守聯

守令 尚茂 一權 守極 守誥 一選 守章

守輝 一富 尚祥 一輅 守宮 守澄 守洲

守誨 守述 岡上

守麒 守麟 尚柏 新橋

一旺 徐柳

一時 守祿 十二都

一學 守遠 守造 一勝 守祖 尚貞 一繕

一福 塘坤

守星 尚法 尚福 盤窰

尚興 尚發 霞塘

守榮 守位 守鼎 尚七 尚寰 守昭 守瞻

尚槐 後林

守鼎 柴樣下

鐫刻

田干裡姚紹初

喬亭劉啟爵

南關宋乾授

北關賀旭升

湯村湯金孝

嘉會喬孫尚果

嘉會齋孫尚棻

許衝齋孫定炳

許衝齋孫祐拔

許衝齋孫定瑞

印刷

嘉會齋孫尚義

裝釘

江右傅長公

